

**Til: Bæjarráð Akureyrar**  
**Guðmundur Baldvin Guðmundsson, formaður**

**Efni: Áskorun frá Skólaráði Glerárskóla til bæjaryfirvalda vegna fyrirhugaðrar seinkunar á endurbótum við skólahúsnæði Glerárskóla**

Samkvæmt grunnskólalögum nr. 91/2008 skulu skólar starfrækja skólaráð. Samkvæmt reglugerð um skólaráð við grunnskóla nr. 1157/2008 er hlutverk skólaráðs m.a. að fylgjast með öryggi, húsnæði, aðstöðu, aðbúnaði og almennri velferð nemenda (2. gr, liður d).

Í fjárhagsáætlun Akureyrarbæjar árið 2020 var gert ráð fyrir 265 m.kr. í endurbætur húsnæðis Glerárskóla það ár, 235 m.kr. árið 2021 og 235 m.kr. árið 2023. Þar að auki var gert ráð fyrir 100 m.kr. í framkvæmdir við lóð árið 2022.

Í fjárhagsáætlun Akureyrarbæjar árið 2021 hefur fjárveitingum til endurbyggingar skólahúsnæðisins verið seinkað frá árunum 2021 og 2023 til árunna 2023 og 2024 en framkvæmdum við skólalóð verið flýtt frá árinu 2022 til ársins 2021.

Árið 2019 voru unnar aðkallandi endurbætur á B álmu skólans og árið 2020 á D álmu sem hafa gjörbreytt aðstöðu skólans til kennslu. Skólaráð fagnar þeim endurbótum sem þegar hefur verið lokið við.

Ef núverandi framkvæmdaáform standast hafa framkvæmdir staðið yfir í og við Glerárskóla samfellt í sex ár. Framkvæmdir á húsnæði skólans samhliða starfsemi fylgir gríðarlegt áreiti og truflun á skólastarfi fyrir nemendur og starfsfólk.

Eftirfarandi tafla sýnir þróun fjárveitinga til endurbóta á húsnæði Glerárskóla í fjárhagsáætlunum Akureyrarbæjar árið 2019, 2020 og 2021.

Framkvæmdaár skv. Áætlun	Fjárhagsáætlun útgáfuár		
	2019	2020	2021
2019	150		
2020	150	265	
2021		235	110 (lóð og eldhús)
2022		100 (lóð)	
2023		235	200 (C álma o.fl)
2024			200 (C álma o.fl)

Frá upphafi framkvæmda hafa skólastjórnendur lagt áherslu á að halda nemendum, starfsfólki og forráðamönnum vel upplýstum um fyrirhugaðar framkvæmdir við endurbætur skólahúsnæðisins og framvindu þeirra. Margir forráðamenn hafa því lýst yfir mikilli óánægju með fyrirhugaða frestun á endurbótum við skólann. Skólaráð kallar því eftir skýringum á seinkun fjárveitinga sem birta má forráðamönnum nemenda.

Skólaráð harmar áformaða seinkun á framkvæmdum við endurbætur á húsnæði skólans. Umræddar endurbætur eru ekki síður brýnar og þola ekki bið. Skólaráð skorar því á bæjaryfirvöld að endurskoða fjárveitingar til framkvæmda við skólann með það að markmiði að flyta þeim svo þeim verði lokið eigi síðar en árið 2022.

Skólinn stendur um þessar mundir frammi fyrir óhagstæðum stærðum árganga m.t.t. reksturs. Endurnýjun skólahúsnæðis er ekki síður mikilvægur liður í því að laða að nemendur í skólann. Í skólahverfi Glerárskóla voru skráðir 394 íbúar á grunnskólaaldri haustið 2020. Þar af eru 86% skráðir nemendur í Glerárskóla. Haustið 2017-2018 skiluðu 73% nemenda sem búsettir voru í skólahverfinu sér í 1. bekk í Glerárskóla. 2017 - 2019 var starfrækt leikskóladeild við skólann og skólaárið 2018-2019, var hlutfallið 85%, sem segir að það hafði gríðarlega jákvæð áhrif á aðsókn í skólann. Skólaárið 2019-2020 var leikskóladeildinni lokað en þá um haustið var hlutfall skráðra nemenda í skólahverfi Glerárskóla 98% í 1. bekk skólans og voru flestir nemendur úr leikskóladeildinni. Því má leiða líkum að því að opnun nýs leikskóla í Glerárhverfi, haustið 2021, muni í framtíðinni leiða til aukinnar aðsóknar nemenda í Glerárskóla. Skólaráð álitur það gífurlega mikilvægt að endurbótum skólahúsnæðis verði lokið áður en að því kemur.

Virðingarfyllt, með von um jákvæð viðbrögð.

  
Eidís Anna Björnsdóttir, foreldrafulltrúi

  
Ágúst Lárusson, foreldrafulltrúi


  
Margrét Sijja Þorkelsdóttir, foreldrafulltrúi


  
Einar Gauti Helgason, hverfisnefnd


  
Hólmfríður Guðnadóttir, kennari

  
Inga Huld Pálsdóttir, kennari

  
H. Brynja Sigurðardóttir, ritari

  
Soffía Guðmundsdóttir, stuðningsfulltrúi

  
Mikael Darri Heiðarsson, nemandi

  
Sonja Björg Sigurðardóttir, nemandi

  
Eyrún Skúladóttir, skólastjóri

Afrit sent:

Karli Frimannssyni, sviðsstjóra Fræðslusviðs Akureyrarbæjar

Ingibjörgu Ólöfu Ísaksen, formanni Fræðsluráðs Akureyrarbæjar

Guðríði Friðriksdóttur, sviðsstjóra Umhverfis- og mannvirkjasviðs Akureyrarbæjar